



陪詩

卷之四

桐城方中通陪翁著

惶恐集

辛亥三月二十三日三弟家郵至自吉州聞


老父粵難作

日日破巢下如今果不完
普天皆欲泣舉室敢求
安子職捐身盡天心隔世看
暫時猶慰母腸斷是
蒲團

陪詩

卷四

一



自矢

有以迴避相勸者有云當赴西江與伯季同任者時乎時乎青原三載恩感冬關捐軀以報吾親夫復何言因集門內自矢曰此身而外不累一人獨子自居亦吾分內事耳

男兒不經患難空平生讀書萬卷何所成更憐饑寒逼迫驅塵土碌碌老大埋愁城一旦風波起倉卒黑雲蔽天雷雨疾痛吾廿年世外衰白之老親正是男兒瀝血捐軀之一日日吾親日軀吾親軀

刀鋸鼎鑊在斯須挺身直入天一呼呼天不應天垂淚思親恨不生雙翅一斗赤血迸虛空半謝青天半遠寄寄阿兄慈幃余左右願兄早南征寄阿弟杖履汝舟旋余無分身計此生患難屬家常判我七尺捐故鄉余家患難來遲原意外眼中立地粉碎有何害但得不畏饑寒不負詩書了此男兒之志復何如

四弟入邑

急難星馳湯火前
倉皇熟視不須憐
一腔熱血黃金賤
弟捐金相助千里寒心白髮懸
骨肉恩深危困日
死生情付有無天
累君百口休嗟我
此際分離聽檄傳

三月二十七日檄至繫獄

臨難安求免一門
視此身不才堪下吏
無計可寧親兄弟
迢遙路妻孥頃刻人
可憐慈母淚先爲我
盈巾

母大人賜食園中

吾母賜兒食園中
慰寂寥自慚非陸續
終不祭臯陶泣墮
三杯飲悲判一醉
消頻頻奴子至環繞
更蕭條

具呈本縣

白髮罹憂敢惜生
揚幡先自故鄉鳴
一門涕淚天皆血
滿紙淋漓字有聲
世外那堪勞大索
人前翻愧說逃名
何緣獨我無迴避
笑倚雷霆柱不驚

四月二十六日再繫尊經閣

捐軀方瀝血再繫復何辭不畏投羅網寧愁生別
離忘憂皆樂土耐辱卽榮時千古藏經處慚余始
下帷

閣中漫書

古屋惟餘舊薜蘿羈栖拭淚托悲歌姓名無處逃
今古天地從來是網羅四面雲山千嶂少滿城風
雨一人多清宵只有思親夢可奈鐘聲到枕何

次韻荅內

明月離人各一涯碧空相對半樓斜離人不及天
邊月月在天邊影到家

又荅

臨風咫尺是天涯獨卧樓頭月影斜寄語卿卿休
墮淚夢魂無禁尚還家

偶成

聞道荒祠足歲年斷垣殘瓦艸芊芊雨曾連夜過

樓畔山亦隨人到檻前遠樹烏飛孤塔影高風花落萬家烟壁中絲竹聲如在爛醉狂歌此日傳

聞老父廬陵自詣飲泣書此

歷遍刀鋒後空門亦化城老親不畏死人子敢偷生兩地同時繫千秋此日情佛恩如有在拭却淚縱橫

友人攜尊看雨

攜手登樓望飛烟萬戶空山連雲影外人坐雨聲

中對酒歌新曲披襟落晚風榴花無限意珍重此時紅

大人將度嶺遣兒正珠隨侍入粵

灑淚遣兒去惟思白髮親代予依大父道我是羈人魂夢同烟瘴著龜訴苦辛難中初侍側莫負此風塵

大人賜詩寄慰詩曰此日尊經閣應知負荷薪臂休慚九折易不厭三陳藏壁有深意

舉幡難脫身，門門堪立地。母只恨家貧，半
生數度衍。不肯自言占，難學隱身葉。懶垂
餬口簾，苦瓜偏結蒂。橄欖漫夸甜，閣上攤
黃卷。殘燈也上炎，悲感之餘敬。次原韻。

圖書承五世，只愧舊傳薪。別是江山恨，情從刀斧
陳。有家堪共死，無術可分身。析骨還親願，寧憂此
日貧。

學易拈著艸，捐軀豈用占。此間能破壁，何地復垂
簾。身竟藏紅鞵，天惟付黑甜。燈傳藜火處，千載向
空炎。

四弟西上

一拜送君去，丁寧至落暉。慈親雙握手，稚子盡牽
衣。鞍馬同嗚咽，風塵引渴饑。艱辛見白髮，多恐不
言歸。

癡辭

太守姚公奉臬司，佟公命遣吏屬更前詞。
增久絕往來語，蓋周櫟園年伯意欲爲小

子謀脫也癡願不改遂痛哭以辭

微軀非不惜子職實難辭親老忍言絕交深望轉

思果然成志日便是受恩時守拙無如我惟饒一

字癡

老父青原上堂中通問曰一斧揮空無不刪如何是刀斧知恩處老父曰兩點淚下通進

日恁麼則得力不得力兒孫總不知老父曰幸有靈山笑在通進日月傳黑路千年白秋染青山一

葉紅老父曰且罰你世代作個癡人

癡感

佟公感子癡願遂將子前詞申詳撫軍張公請咨豫章粵中督撫取結更於張公前

極為嘉歎事由此稍寬矣

暗下寬予令翻稱違命心憫勞俱意外出入總恩

深車亦憐螳背巢還恤穀音前途誰可恃又恐不

如今

梅阜叔祖具呈最早今亦詳院

為言聞信日不忍惜餘生本是緇衣好寧關黃面

情挺身非一事瀝血便書名伏地千聲哭都成感

激聲

諸伯叔朝夕過慰

世外遭風影一門憐我親安危移頃刻驚喜積艱
辛淚逐千行雨心飛萬里塵晨昏消息到日日報
羈人

風聲

風聲吹不斷獨立且披襟是處晚烟合一樓花雨
深試看今日榻纔見古人心愁思歌喉咽燈殘罷
夜吟

大人吉州病信至中通告假不釋

患難疾病交相結苦人之苦不堪說老父甘之如
不知人子一聞心膽絕曾憶前年數寄書常稱大
慧病癰疽今日果然痛三昧飛奔石陽遑躊躇嗟
乎前日捐軀恐不疾此身已羈一百五十日昔爲
親身今官身官身欲脫脫無術刺血陳情血不乾
令公爲我詳上官兩院俱批不准釋重加羈絀空

辛酸遣盡蒼頭遣子姪

姪正璠正璠兒正珠僕不
律九鼎宋慈小彭眉壽案

首修能俱先
後遣赴西江
腸轉車輪向誰悉
往來如織費百千

赤手空拳不得出
噫吁哀哉復哀哉
清白子孫當

其災朝售田園暮鬻婢
不須頃刻俱成灰

子雖獨繫昆季

聞之皆同心協力即
四弟亦不自居局外
家破家亾復何害
思親日夜

摧心肺千里萬里望
青山白雲更在青山外
潯陽

江彭蠡湖世上風波
無時無蒼天蒼天子
父何辜

九日四弟歸里余尚未釋

五月西江去淹畱九日
還老親雖善病見爾
自開

顏跋涉竟忘苦平安事
亦艱羈縻終不釋爲我
淚

潛潛

四弟梅皐叔祖姊壻馬嚴
冲表弟孫肖武同

具保狀

羈棲無已日酸楚與誰
同國破巢原破時窮技
亦窮捐軀憐獨子急難
感諸公灼艾能分痛深
情上

碧空

奔喪萬安

十月二十九日聞大人于是月初七日舟次萬安回首即日西上時柩停水月山

灰燼飛霜出世奇舉幡揀我受羈縻那知救父呼

天日翻作生離永別時身後慘看歸僕字病中寄通字僕

今攜歸 病中先寄慰兒詩深恩換得奔喪痛罪負丘

山欲訴誰

水月山遣姪璵兒珠歸慰母水月山在萬安城外

不是經憂患能依大父旁廿年方侍側雙淚復還

鄉旅櫬遲歸日慈幃久斷腸汝曹須近報莫更話

淒涼

三弟往泰和製喪服

此間無一有帶曉赴西昌制度觀家禮衰麻市異

鄉上休重負版下可便為裳今人喪服沿俗者毋論矣即依家禮亦不

盡合不為裳而多一襲致負版重今式應從古毋

輕患難場

伯兄自南海奔至萬安

弟從江北至兄自嶺南回不意相逢處都含血淚

來家園何可問心事已成灰只有他鄉櫬淒涼日
舉哀

馬幼子盛幼蓮王其人粵回過苦次慰弔

灘頭忽過故人舟頃刻揚帆下吉州多少傷心無
一語只憐君慰我淹留

旅櫬相依白浪間故園遙指隔千山惟將一滴西
江淚灑向東流共爾還

同三弟水月山苦次成服

製就麻衣日原非家禮期弟兄同哭奠生死合艱
危久已穿芒屨今纔服斬衰難中千萬慮心只候
文移

哀述

西泠姚有僕年伯序老父瞻旻詩謂才人
孝子忠臣合爲一人者嗚呼知之深矣然
未觀老父二十年來之著作向見其矜顛
之行甄蘇之節稱之爲孝子爲忠臣又見
其經史會通詞章博雅窮百家之書工百
家之藝謂五地再世稱之爲才人已耳嗚
呼萬世而下其所以景仰浮山先生者豈
特此哉世固有性命之學有象數之學有

考究之學有經濟之學有三才物理之學
有五行醫卜之學有聲音之學有六書之
學老父窮盡一切而一徵之於河洛破千
年之天荒傳三聖之心法準不亂而享神
無方必有事而歸行無事天然秩序寂歷
同時以無我為備我以差等為平等午會
全彰誠非虛語倘姚公至今日披讀時論
炮莊易餘物理鼎薪聲原醫集冬灰諸書
僅謂之才人乎哉雖然忠孝所以成其才
才所以濟其學浮山先生之直繼緇帷職
是故哉獨是生于憂患別路藏身甘人所
不能甘之苦忍人所不能忍之行瓢笠天
涯晚遭風影不孝孚號被羈故里嗚呼痛
哉我父竟舍我而逝矣破浪奔喪終天絕
地罪負須彌無以自解五雲苦次濡血寫
哀莫述萬一用付紙灰而已辛亥冬不孝

孤子方中
通百拜識

騎箕萬里破蒼天丙舍哀吟送紙錢闕下變騷今

日讀墓旁家易幾時編變離騷而為激楚編時堪
論以繼先人俱詳後註

傷南北忘身後欲令東西正學傳北都矢死南海
重生其所以鳥

道孤行而不自已者既開圓三宗一之全眼
欲救兩家拘放之病有功末世豈淺鮮哉莫怪

緇帷人不識相看別路總茫然異類中行原非獲
已行者固難知者

亦不
易

家傳患難足啼痕我父曾經大父冤不重南宮誇

陪詩

卷四

三

姓字但依北寺泣晨昏舉幡只為悲親老搥鼓終

能感帝恩激楚如今當再擬教人無奈賦招魂父老

通籍時值先祖遭黨禍被逮左右園扉悲鳴飲泣未及殿試控疏請代幸感聖恩時著激楚以見志嗚呼痛哉我父罹憂小子代訴詎知事白而見背哉天不憖遺如彼蒼何

園中講易痛追隨墓下重編有雪知華表鶴歸常

挂紙樂廬兔繞復生芝看來憂患非無意畱得乾

坤到此時為歎仲翔當五世家山負土是何期易作

者其有憂患乎自先明善而下五世學易矣先祖西庫與石齋先生講易不輟晚年著有時論老父

廬墓合山重編梓行嗚呼痛哉憂患未竟旅櫬未歸為仲翔者能不悲哉

回憶滄桑五內焚瞻旻詩卷不堪聞甲申變後老父詩集名瞻

旻請纓枉教書長策召對空令謁聖君老父三上請纓疏蒙

先帝召對德政殿痛陳時弊先帝稱善久之欲予齋斧竟為執政所阻憤哭東華輕

桔拳聞梓宮在東華門憤身往哭遂為賊所繫遭其苦刑不屈早奔南國望氤

氤老父引決為人所救聞南都新立奔回最早那伏疏請罪欲條賊狀而仇奸阻之不得上達

知血濺刀鋒後又避仇奸骨肉分老父矢死全節中興輯錄大變

錄吳廷策國變錄吳門張魁血誓單葉藍玉甲申紀事馮猶龍伸志略皆見褒白而仇奸翻案誣良

鱖貞欲得而甘心焉魯公孺發大呼闕下以死保家父之不屈陳公卧子鄭公潛菴皆有書明家父之節曾公二雲與羅認菴書以家父為趙忠簡張忠獻徐公虞求慷慨言家父當同甄孟成蘇司業之表擢嗟乎公道猶在人心虺蜴復何為乎先祖見幾因命老父南遊云

干戈頃刻尚追尋病謝天興歎陸沈唐藩改福州為天興詔復

館職以亂裏著書還策杖物理聲原皆亂中所著饑時變姓

不投林自越而閩而粵凡數易姓名八年轉徙黃頭

淚流離天末八年十詔蒿萊白髮心端州告崇十詔不受宰相為白髮也上五

策之後遂一自法場歸世外竟披鷄衲到如今浮家西粵

披緇于平樂之仙迴山被繫不屈封刀自矢時平樂將軍奉默德那教尤惡頭陀露刃環之而老父終以死自守將軍驚其不喪死遂供養于梧州之雲蓋寺老父因興冰舍壬辰之冬始得出嶺由匡廬歸省白鹿

掀翻滄澥倒崑崙何幸天畱不二門杖許竹關埋

白下斧知藥地借青原再生鬢髮都成雪廿載袈

裟只報恩纔信榮枯分未得荆條活處露槃根兩通

燼火托迹空門甫得歸省白鹿即圓具天界破籃

莖草遂受囑于杖門閉關建初寺之竹軒三年先祖棄世破關奔喪結茅廬墓終制後復遊西江扶起廩山東苑吉州諸公因請主青原法席而藥地

音寺 卷四 古

之斧始酬米價焉然歷住建武之資聖安福西昌
之首山洵林何往而非藥地乎固知思祖之倒插
枯荆冬日再榮誠受命如嚮不可思議嗚呼痛哉
今日過藥樹法蔭歸雲晚對別峯諸處觸目皆先
人之創造遺筆在焉至為杖人翁刊全錄為笑老
人建衣鉢塔成志書免里役凡百完備而奉之同
門又其主青
原之逸事也

尼山心向別峰傳黃葉藏身學可憐符信圖書攜

袖裏輪將宇宙挂簾前一雙眼出人間世二六時

歸天下篇莫惜高堂虛正座定知午會證千年古航

和上曰河圖言回互洛書言臨照山谷日以宇觀
人間以宙觀世然矣而未暢也老父明兩端四破

之用中公因反因正知徧知證此五位綱宗天然
物則之大符而又發為宙輪宇矩之說以宇為素
以宙為逝統類會宐而歸于法位中節非過冬關
開全眼孰能準天地而傳千聖不傳之心乎世之
讀鼎薪會宐編者固知別峰之應午會有功
于尼山絕學而歎其隨時之兼中妙叶也

已知身向三門入又見花拈五色開信此街頭為

絕壁踏完峰頂立平臺塵埃滿面從今埽寒暑驚

心任自來文字果然離不得虛空粉碎只憐才鶯嶺

用毒藥為尼山一助而漆園旁擊之原于分別中
無分別也障礙者不能穿徹昆侖者不能研幾已
可痛悼而五宗之分門別戶不尤堪噴飯耶且今
者暗癡膠執之無記頑空莽蕩滑疑之標幢鬪勝

徒以不立文字謂了涅槃之心不以不離文字用窮差別之智究之護短強勝妄執愈增差別未明涅槃亦未曉佛祖冤乎哉故老父為之力掃窠臼挽回人心發明寂歷同時晝統晝夜善統善惡之說而以無我為過關以不自欺為薪火打殺向上專提向下嗚乎婆心切矣

多才絕世古今奇十歲能文七歲詩復壁五車猶

未竟鐵函一字亦堪悲丹青別染神州色黑白空

傳故里棋

浮山為遠公祖庭數年來不孝兄弟建報親庵于山下故鄉諸公復迎老父主

華嚴法席將歸而難作矣嗚乎痛哉

石上閒名鐫漢篆印泥落處幾

人知

老父三歲知平仄七歲賦詩十歲屬文十五歲讀罷十三經廿一史舉之指掌童角時即

名播海內生平著作百餘種別有書目總名之曰浮山全書至百家技藝若書法若畫若奕若圖章弗克枚舉無不窮變造極非五地再生而能若是乎

波濤忽變作蓮花五夜天歸水一涯

辛亥十月七日舟次萬安

夜分波濤忽作老父即逝而風浪息云

不盡寒江流血淚敢言覺路

總雲霞丁寧只望人傳語斷絕惟餘骨到家慚愧

荷薪憂力薄且憑燈火照衰麻

世出世間窮盡一切此切而仍還一切此

老父之以知全仁知也歷諸患難淬礪刀頭此老父之以仁全仁知也集大成而不厭不倦其天之所以救世乎惜辭世太迫世鮮知者小子復愧棗昏不克負荷哀何能已彙編語錄之暇敬述十章

不勝
嗚咽

彭躬菴王若先遠唁苦次

亂餘瓦礫五雲城一櫬荒郊鳥不鳴
淚接故人風雨面天知今日死生情
述來往事歡皆痛代爲前籌罷復驚
慰我遺編當雪纂他年畱得壁中聲

除夕喪次寫哀

歲盡荒郊雨雪殘炷香孤櫬北風寒
終年射影終天痛此夕遺容此地看
願得生還嘗患難不將死

別易平安九京恐觸酸心處幾度吞聲入夜闌

與三弟

除夕天涯弟與兄相看嗚咽坐三更
燈殘野寺人無語雨滴寒窗夜有聲
哭罷亾親還憶母強將慰爾惜餘生
團圓計盡惟圖夢夢到今宵總不成

壬子元旦

無端春欲曉先到淚痕邊患難衰門後存亾古佛
前麻衣餘舊制蔬菜薦新年

苦次大衆茹素

舉世天皆憫

應知不共天。

吳舫翁劉岍矣李子和姚佩若先後過弔
荒寺羈行客寒風到故人撫棺惟痛哭握手歎飛
塵灘石過來險山城總不春此番重聚首一見再
生身

雨中過陶庵

春回別院隔香隄曲逕橫橋烟雨迷林木扶疎花
上下樓臺層折水東西雲連塔影當窗直簾卷山
光入檻低重把老親圖畫玩陶湖風景正淒淒

濯樓思親

曲澣新開迥不同竟將此地作江東遠浮南海家
猶在祇剩西昌夢已空烟鎖寒塘千樹雪花殘啼
鳥一樓風遺踪幾處高題額畱入孤兒淚眼中

送笏皎二禪師還青原

皎師與老父未謀面客遊遇此便
捐身相依笏師慨然被收半載

識面非知己甘心是古人園中如鍵戶路畔便捐

身寢食同苦幽淹畱各苦辛兩君情意重送別念
吾親

謝蕭孟昉王若先賀桐意諸公

霹靂聲聲碎碧空人人噴血濺江紅同名不礙爲
曾子結社從來是遠公白髮交深千里外緇衣心
盡十年中何緣薄俗依仁里憂患恩沾太古風

謝吉州郭太守廬陵于明府

世外相依亦舊緣無端江上起風烟雪冤自是于

公德解印纔知郭令賢十載親會同歲月

兩公蒞任之日

卽先君主席之時今俱十載

九原身尚托雲天使君情重猶無

已慰勞慙慙更可憐

感贈滌餘大師

首山興十載今竟作叢林一代尊吾父千年見汝

心

滌兄十年艱苦創造首山今尊老父爲當山一代

金輪傳別路

滌兄獨任建老

父爪髮塔于首山

曲盃待知音

欲舉同門繼席

不盡情深處相看

淚滿襟

曲滸開精舍傷心有濯樓

滸兄特建陶庵迎老父又增濯樓樓成而難作

矣烟雲虛供養鷗鳥尚沈浮詩訝招魂句

老父濯樓詩有

雲散月招魂句

圖懸滿壁秋

又作陶湖圖藏首山

老親遺愛處畱得

古今愁

非兄入閩襄兄洞兄入粵當兄入沔曇兄下

浮渡今俱會於首山限韻感賦

不歎分途出還傷此會齊雨同人淚落天為客愁
低緣感三生夢春歸五夜題諸君行路遠珍重艸

鞣泥

首山雨雪中同當兄還萬安

百里新興路灘聲到耳邊波心無隙地雨縫有餘
天疊嶂連雲凍寒江湧浪烟漁舟今促膝畱客為
悽然

憶三弟首山

旅櫬荒郊日寒燈夜雨時以予愁不寐知爾夢來
遲却病非關藥

弟善病好服藥

容身且下帷遺編刊未竟

附言
反慮有歸期

時在首山
神浮山集

萬安胡明府爲詳移柩歸山感泣書謝

孤雲一任往來飛
峯頂原無家可歸
只爲世間存
隻履名山負土欲依依

撒手懸崖日月長
可憐身後始還鄉
感君一紙淒涼話
寫盡羈人淚幾行

僕歸答內

雷霆柱下剖肝腸
感爾相扶患難場
自信一呼能

救父那知雙淚只
奔喪衰麻濺血依
荒艸風雨驚魂憶
故鄉苦慰慈親猶代我
遙知團聚亦心傷

先大人語錄編成

漫將文字埽培塿
欲何爲糟粕古今日
鉗錘天地時
達人知此藥舉世不妨疑
苦次初編稿流通更藉誰

蠡兄破關入粵聞訃奔至水月山上供

破關赤手卽投荒
策杖如飛不用裝
兩袖白雲千

里淚一階青草半爐香師恩亦與親恩共人子終

慚弟子行虎跡縱橫無可避時水月多虎煎蔬同飯話

更長蠡兄往返數千里不受分毫路資尤為奇特

賴彥先朱內章郭然明時過慰問

異鄉還結伴總賴此詩書僧乞饗殮米人停旦暮

車懸壺為密友賴知醫為先君出結設帳便同居郭復于此設帳適

自章門返先來慰問予朱時省還先過予後歸家

卽事

古刹羈棲冬復春編籬只與虎為鄰聲聲惶恐無

休歇第一灘名可愧人惶恐灘為十八灘之第一灘在萬安上五里

臨風不斷是香烟直上青霄雨露邊每日衰麻三

次拜只將歸櫬望蒼天

朝朝胥吏走紛紜督撫監司郡邑文三省行查回

萬紙筆尖和淚太慙慙

樞旁艸榻穗帷牽朝夕猶如侍膝前遺稿一編清

夜錄時又續編瓦燈挑盡不成眠

陪詩

卷四

三

四月初十日自諦禪師同僕江天至聞故鄉
難作辭柩歸里

去年故國捐軀日今歲他鄉赴難時但使兩畚全
骨肉何妨獨子受羈縻痛餘大哭翻成笑冤是深
恩總願癡半載荒郊腸寸斷不堪旅櫬更分離

過首山別三弟

纔說波濤靜風聲忽又吹此身同一拜今日合生
離大笑看君哭旁人爲我悲豈無兒女淚赴難不

教垂

兒琫特至首山相迎因畱守柩

四弟僕從
容相隨

業已爲男子其如天地何淚流危日少禮廢難中
多書籍消愁苦鉗錘足嘯歌此來能代我喪次莫
蹉跎

四月十六日歸里卽日自詣尊經閣

惶恐灘頭衰絰裝不堪忍淚別西昌江湖千里三

晨夕

曾夜渡
鄱陽

患難重遭一血腸猶是舊年風雨閣

更連今歲弟兄牀

伯兄自海陵歸已羈閣中

祇餘夢繞天涯櫬

藉說家鄉似異鄉

題結粵難文至感泣書此

君不見一門爭死稱孔氏
弟兄子母垂青史
又不見西川豪傑附黨人
恥不與黨先自陳
彼爲友朋尚如此
何況儼然爲人子
吉玠虞顛本同心
同此一片赤心耳
回憶難作捐我軀
不料此軀存斯須
兩年繫獄再繫閣
今日尚存豈非天地之恩乎不

畏死血滿紙
痛哭陳情詳院司
代父直心直如矢
悲號呼蒼天
聞者俱生憐憐
我不肯脫羅網委曲
導我真纏綿
嗟哉吳道郭揖原
奇特黃金百萬買
不得非是不遵
宛轉之殷情
乃深痛吾老親
之不測鐵錚錚
寶刀鳴同父
死同父生不敢
重身輕白髮
寧甘得罪粉
吾骨豈意使君
感此言竟將我
詞直達粵粵督
疏上春風吹賤
子之名朝廷知
嗚乎痛哉粵難
白魂招不來哀
孤兒

送鄧田公入都應試

相逢容易客東西醉後狂歌日影低
萬里黃雲隨馬足一聲紫陌是鶯啼
人從金谷詩中別名向慈恩寺裡題
遙送長安天不遠此心今已爲君攜

自諦禪師往返西江四次不避寒暑今奉老

父爪髮龕歸應華嚴之請

四度西江路家郵在驛先
苾鞵能縮地柳栗欲回天
急難消寒暑忘軀忽歲年
一龕千里托浮渡入

香烟

郡牌提評同伯兄赴皖

閣中兩月羈郡吏忽然至云是奉上提老母先垂
淚逼迫倉皇中從容告郡吏去年難作時此身便
捐棄慚愧復生存刀鋸何驚悸但願暫還家母子
一相視堂上哭無聲兒前驚仆地妻孥無一言頓
足橫涕泗舉身蹈湯火本是男兒志父在不惜軀
父死何所避揮手便登程竟不知勞悴意外得生

還原非分內事

日夜冒炎蒸馳驅不得已赤日照天心白雲墮溪
水一片烈肝腸今日云已矣藥餌備刑傷衣被藏
片紙音問恐不通十生知九死痛哭再陳情恩沾
從茲始太守姚公臬司佟公皆破格相待與同案者迥異矣三度皖江行凡
審三驚憂俱成喜疾風雲不生迅雷雨中止至情
感天地何況皆人子苟非福星臨未必能如此

馬巖冲特至皖城

昨夜夢君到今朝冒雨臨事經人意外淚感佛恩
深白浪橫江面紅爐試客心相看休太息與爾共
行吟

遣姪瑤兒珠往吉州扶柩東歸

旅櫬辭歸後羈人是棘人却憐孫代子翻痛佛爲
親送別猶波浪扶還杖鬼神淹畱如不返望汝任

艱辛

如不得歸命珠兒守柩易三弟歸里

月夜迎先大人柩會三弟姪瑤兒珠于樅陽

江口。

五雲苦由別不解網羅身意外還家櫬途中隔世
親天高來夜月霜白照離人此際悲歡共招魂到
水濱

扶柩至浮山安厝報親菴中

築室為庵後瞻雲只向西杜鵑空有血烏鳥不堪
啼未及孤筇返惟餘一櫬棲丹丘巖仍在天鎖暮

雲低

余兄弟建報親庵後老父以西江苦雷未歸豈知今日扶櫬歸庵耶嗚乎痛哉

先大人歸窆浮山遵遺命也

風波影裡路茫茫薤露歌聲入夕陽家在神州無
故國魂歸舊里亦他鄉三千里外來烟瘴二十年
間總雪霜今日彌天皆楚些羈人負土更淒涼

天池風起逼人寒里老吞聲淚未乾末世尚能畱

爪髮名山猶許葬衣冠

議定爪髮付法嗣肉身歸血子此儒釋兩盡之道也

青原建衣鉢塔邵村叔為題畱青二字首山華嚴俱建爪髮塔

夢為蝴蝶求仙易

歲在龍蛇問世難遺命只依先壟畔

先君墓在先祖母吳太淑

人墓之
青龍 紙灰飛入碧雲端

吳舫翁特至浮山拜先文忠公墓

丹丘巖下墓門成攀柏年年寄哭聲千里故人過
一拜生芻那似世間情

除夕同伯兄三弟墓側寫哀

兩經除夕總風波旅櫬孤墳灑淚過憂患日長衰
經短團圓人少性情多無才抱恨非貧賤不孝空
慚試網羅今夜山寒天地凍舊時鐘鼓聽如何

癸丑元旦拜墓

墓門臨曉拜痛定百愁生霜草迎人淚寒松帶哭
聲春投泉下夢節換世間情恨我羈縻日樂廬志
不成後難未結余係
取保得完葬事

天地難容處傷心爲托孤

杖人翁有爲天
地托孤之說

生前應

出世身後合歸儒禮樂供存沒干戈任有無吾親
依大母泉淚可沾濡

九月初三日後難題結文到省釋

燭火三年到華門投羅身不計生存只憐白髮歸
黃壤今日安知脫子孫

報恩堂

司寇姚公諱文然兩江麻公諱勒吉兩廣
金公諱儁皖撫張公諱朝珍江撫董公諱
衛國粵撫馮公諱甦粵東提督嚴公諱自
明安徽臬司佟公諱國禎江右臬司安公
諱世鼎江右署臬司賈公諱如蘭江右臬
司黃公諱龍江右驛鹽道薛公諱信辰南
昌道周公諱體觀吉安太守郭公諱景昌
安慶太守姚公諱朗建昌太守高公諱天
爵廬陵邑侯于公諱藻桐城邑侯胡公諱
必選萬安邑侯胡公諱樞新城邑侯周公

諱天德皆難中受恩之當事也無以為報
敬書牌位于報恩堂中朝夕焚祝聊盡此
心而已

傷心遭難是空門三載惟餘血淚痕何幸普天都
遇佛不教窮子獨鳴冤金莖露積江湖澤玉柄談
成咳唾恩稽首自知無報答香烟爇處感晨昏

迴文詩

園田舊廢不消愁淚滴重生半世遊
更賤友朋歌後唱還酬村依白片千雲暮
眼到青

天一色秋門戶倚予憐策杖昏黃照野綠浮鷗
鷗浮綠野照黃昏杖策憐予倚戶門秋色一天青
到眼暮雲千片白依村酬還唱後歌朋友賤更貧
來守弟曩遊世半生重滴淚愁消不廢舊田園

陪詩

卷之五

桐城方中通陪翁著

南畝集

甲寅報親庵遇楊嘉樹

五載驚逢患難身一回哭笑各艱辛老將鬢髮爲
知己筆信文章足誤人離別止能消歲月賤貧終
不敵風塵此番墨歷崖前話又是他年夢裡春

靈泉寺遇陳良佩還山伯

浮生閒未得乘興若相期
泉冷人間味梅香臘後
枝夕陽歸鳥亂晴郭暮烟遲
偷作尋春客東風亦
不知

椒園孫威公畱宿

偶來蒼翠裡一逕入雲烟
峭壁水聲怒短橋人影
穿峰環門外立天落谷中
圓勝地成吾醉高樓夜
雨眠

又次小愚韻

四時青不斷花雨日相迎
曲逕移山色危橋截水
聲一樓啼鳥遍雙嶺暮雲橫
世外畱人處閒敲石
上枰

響水崖

谷口聲何遠攀藤路更幽
倒飛千丈雪擊碎一溪
流白到崖前斲青從潭底
收遊人看不盡宜作響
山樓

南畝小築初成

難餘重歷亂小築擬容身將廢田園在偷安雞犬
鄰茅簷猶向日勺水已離塵可得憂愁外高眠看
世人

自識難休歇稍閒卽種花死前都是夢醉後復何
家世道從無準時名不用嗟只憐看破極逐隊度
年華

野老情都洽鄰翁興更饒

賴高永泰襄
事南畝始成

池收田缺

水岸插柳椿條樹葉春催大山雲晴漸消忘憂惟

卷帙養拙是漁樵

風橫香到室雲過晝生陰遠樹村明暗晴峯色淺
深池魚長短陣林鳥去來音不用衣冠處纔消一
片心

乙卯過便足樓

小逕入松竹高臺屋數間煙雲生几席蒼翠滴湖
山榻遂詩書卧窗收天地閒遊人與啼鳥相對不
知還

再示有懷

老大兵戈日家園風雨樓一身從此寄五岳復何
求伏臘將人換賓朋帶主遊不知山水樂可敵世
間愁

身世合幽棲湖山繞屋西峯晴雲路近潮漲遠天
低雙屐常依檻扁舟只在隄朝來一乘興直待暮
鴉啼

勝地非晨夕乾坤尚肯容但添高士屋豈受隱侯
封一片雙山月千株五世松前人遺愛處不盡意
重重

梅定九新置測天諸器奇絕

木杲銅儀可互加何勞郟子歎雲霞日從落後還
求次歲到年來已盡差袖裏客攜天在手山中人
以曆傳家一從親見張平子羞道圖書足五車

蕭孟昉招同沈方鄴梅定九耦長王若先蔡
鉉升飲長干寺寓共得秋字

六代雲烟一望收斜陽影裏剩江流別離十載歸
新句風雨千聲屬舊遊白髮那知行客夢黃花能
得幾人秋今朝盡醉長干寺不向秦淮問酒樓

雪後訪小愚稻花齋

踏雪穿湖過鴉飛落日昏到門收曠野小築點荒
原棐几堆書塚湘簾起浪痕頗餘容膝地何計共
談論

老樹逼天空蒼枝入勁風水枯人逕外葉墮鳥聲

中寒日難分白山塵不染紅遠峯羅四野一半屬
籬東

盡日攤黃卷茅簷獨下帷烽烟不到處憂患暫寧
時繞屋松千樹臨窗水一池此間誰樂事惟有主
人知

和姚六康署中白蓮詩

高調陽春和幾回芙蓉幕裏正多才塵埃猶共天
邊月脂粉都成劫後灰祇爲風波無避處却教霜

雪上頭來素髮自識冰清意不礙繁華一隊開

陵陽喜晤曾青藜沈孝瑟飲寓樓得人字

十年纔握手驚見白頭新經難無餘淚重逢訝此
身溪流雙醉眼雨滴一樓人意外山城聚呼風爲
掃塵

同趙子儀沈孝瑟再飲青藜寓樓

故人連客舍迫暮便相攜背郭一樓小憑闌千嶂
低溪聲增雨急樹杪入雲齊爛醉狂歌後更殘屐

齒泥

夜別青藜同孝瑟得年字

臨去停車馬

青藜爲予
畱數日

相逢更黯然心搖烽火日

人老別離年但見月垂檻更愁霜滿天何時重握
手莫道不如前

贈沈孝瑟

十載識君心今日識君面今日新知是故人故知
却喜新相見一見教人揖不完君從何處經平安

詞譜 卷五
九
牀頭淚落朝朝溼腰下刀鳴日日看爲君拭却從
前淚莫把相逢看容易日落西峯月到溪臨風沾
酒高樓醉高樓醉倒玉壺傾畫角吹雲夜閉城村
畔歸鴉棲古樹樓頭飛鴈起邊聲聲聲叫入愁人
耳萬里關山圖畫裏道上行人徹夜眠無端坐對
兩知己知己相看漫賦詩幾回歌笑幾回悲長林
霜染征衣白遠寺鐘鳴到客遲可憐夜半悲風起
一片白雲墮溪水溪水停雲不肯流新知愁續故

人愁

邵漆夫過訪旅館

到此評君宅村居去郭遙鴈聲來客館人影度溪
橋歲許寒當盡春知雪易消鬢眉今尚在鬢不厭
蕭蕭

同楊嘉樹陵陽歸途作

霜白天青曉渡河面前丸子立嵯峨旗亭驛舍沿
途住山寺溪橋盡日過馬上笑談岐路短墟中指

點舊家多幾回話到淒涼處消與西風一曲歌

亂山殘雪冷斜陽身在迴峯曲澗旁客寓招搖堆

被塚

店門爭堆被塚

人行邪許接肩長

荷物絡繹不絕

牆垣遠近

千邨白木葉高低十道黃烽火尚餘安堵地海田

今不信滄桑

丙辰鄧田公北山艸堂落成

艸堂成此日猶是舊園林地僻情俱遠身閒山卽
深臨窗朝暮意置屋畫圖心爲遂前人志知君不

惜金

憑闌都在望曲逕又重遮繞檻流泉轉登臺倚磴
斜迎賓無定坐度日換名花最愛幽棲處離家復
近家

羨君真大隱丘壑在城中萬木鳥啼碧一簾春影
紅竹聲聽上下山色看西東只此無多地遊人到
不窮

難婦竹枝詞

附詩 卷五
疇昔曾嗟薄命緣如何家在戰場邊紅顏到底人
猶惜只是男兒骨可憐。
不敢高聲淚落時含羞訴與路人知金繒贖得無
家女縱寫音書寄阿誰

南郊看花

南郊散步共行吟偶爾投閒便入林十里沿溪紅
不斷一籬隔院綠成陰人從啼鳥聲中醉春到垂
楊葉上深莫羨村翁饒逸興栽花那似看花心

子將弟攜饌過訪南畝偕遊是山

柴門到客破烟霞攜手尋春草逕斜忽使飯兼城
市味幸將泉試野田茶是山有清泉柳陰環水水環屋
山色對人人對花橋畔夕陽分別去一還村舍一
歸家

子將招同李士謂飲是山用前韻

日傍西山吐落霞兩三人影到門斜甕開不醉不
醒酒鎗煮非甘非苦茶雲爲經風消雨勢樹因入

夏落春花田間數里過從易更望年豐好住家

荅士謂用前韻

橫塘收盡嶺頭霞一任回風拂柳斜
雨日招鄰晴訪舊醒時澆酒醉烹茶
閒雲入世誰畱影野艸無名自放花
到此便知行客意不因田舍愛成家

荅子將用前韻

攜得高峰一片霞閉門入夕陽斜
雖非蔣詡新開徑尚有盧仝舊貯茶
琴笑沒絃山亦響甕憐禿

筆夢生花狂歌消却勞勞日只許詩來處士家

再荅子將用前韻

爲貪暮雨共朝霞幾度邊聲鴈影斜
甲折預栽三畝菜旗槍敢戰一杯茶
使歸立刻酬詩艸客至先期報燭花
埽徑自知增倡和月明還到野人家

過茲園

山半截城中長林聳碧空鳥聲穿竹翠
花影浸池紅石磴紆還折茅亭塞又通
桔槔成瀑布容易奪

天工

堪坐兩三處都連四五間周遮殊樣式咫尺便迴
環有地常供醉何人不叩關紛紛千萬戶獨擁一
樓閒

寄趙箕敘

逍遙不與世相爭偶向蓮花幕裡行遊道成如家
歲月主人賢是客功名文章豈礙乾坤老志氣還
從霄漢生許我神交無別寄秋來莫起故園情

飲吳天駟壘翠樓

芳艸迎人一逕斜頓忘城市入烟霞竹因風過聲
成雨山爲樓高影到家啼鳥中多經宿鳥落花旁
有未開花著身此地應沈醉不管春歸減歲華

同四弟至平陵

歲歲平陵道今年偕弟遊是村皆傍水隔里便行
舟骨肉同時老親朋無不愁此來何忍別歸日盡
三秋

省岳母強太夫人於強埠

廿年多難卧荒丘門掩藤蘿失舊遊
萬里關河人未返七旬衰白淚空流
祇餘相國楸梧冷遺得公孫眠食憂
莫道詩書無世澤文名猶自滿神州

示內姪陳念祖仲恪以御

慈幃半世歷風波遙望燕山淚轉多
皓首歸來依瀨水白雲飛去渡遼河
祖孫故國猶難度父子天涯可奈何
黃壤青松爲伴侶教人無計遣悲歌

訪董西一兼示謂宸冶成聞源

董攻緩之子

平陵水漲一江烟欸乃停聲暮泊船
十載離歌經難後再生華髮照燈前
詩書自食青雲報丘壑惟將素業傳
更喜君家三鳳集遺風知我故人賢

舊縣勝因寺

城郭曾經歷代遷梵王宮殿草連連
滄桑原是尋常事廢置翻令名勝傳
古木枝懸風百尺殘碑字閱世千年
白雲畱得鐘聲在敲落荒郊帶曉烟

強埠拜先岳陳芝山先生墓

歷盡滄桑舉世空惟餘姓字老江東百年事業升
沉裏一代文章喪亂中祇爲蒼生甘自薄誰從青
史歎時窮教人下馬陵前拜淚灑荒原憶董公

費古心招飲滄嶼

一片滄浪水環居曲幾回波心投島嶼岸足擁樓
臺魚躍風朝起鴉啼雨暮來欲從窮勝槩小艇傍
軒開

宛然丘壑裏不信是城中蒼翠浮清酒簾櫳卷暮
空林深前浦塞路盡一橋通只羨東山卧臨風作
謝公

唐五序載酒同董西一陳第遠念祖舍弟有
懷遊夏林主人彭羅生復演梨園數曲歸
舟分賦

多年深院似山家載酒臨風過水涯怪石盤空坐
窟穴蒼藤垂老作龍蛇亭開曲澣千章木逕轉平

橋十畝花爭奈輕舟歸去疾笙歌聲裏夕陽斜

白松軒有感

一朝興廢處廿載夢魂中亂石亭猶見橫橋路不通竹鳴前岸雨鳥喚隔池風惟有松窗白濤聲與舊同

懷陳愚伯瀋陽

引領南歸客蹉跎二十年龍文今罷躍鴈字只空傳月落蒼江晚風高紫塞烟夢魂飛不到清涕亦

徒然

萬里思鄉國蕭條患澣存鼓鼙新戰伐丘壠舊田園穉子初歸舍孀親尚倚門只憐家計薄不是乏君恩

贈唐五序先生

三徑風高暑不侵碧筒猶許共披襟聞名自昔推湖海玩世當今讓竹林家學已傳才子筆交情真見古人心話來天寶年間事又覺臨流感慨深

飲陳輿敬曉園值雨

幽棲堪坐雨簾外覺潮生屋溜千崖瀑池荷萬馬
聲魚爭新露響鳥立斲枝驚竹樹埋烟霧樓臺一
半明

乍晴無復暑雨漸入風吹舟繫東西舍堂分南北
池曲廊將徑遠立石度關遲咫尺迷來往新涼到
酒知

再題遠閣

層樓高百尺舉目世間低樹杪浮山近江潮接檻
齊古藤盤戶外落日射城西不盡登臨興人歸鳥
自啼

再過強埠值岳母強太夫人之變中通議主
與相國合墓襄葬旣畢用以紀哀

賤貧年已半患難老居多虛度安榮境終傷離別

何墓當從合并棺幸未蹉跎

棺係中通向日所購

止此故鄉

土碑文著意磨

喻武公司馬畱飲四安亭同沈從弱范西漢
凌空潑墨與誰收亭入烟雲足勝遊階下濤聲簷
下雨杯中人影座中秋遙帆斷續皆成岸列嶂奔
騰欲截流司馬正饒詩酒興大江南北總江州

蛟臺水漲阻風

樓頭放眼入蒼茫餘得秋聲鴈幾行風雨天低無
上下江湖水合亂青黃漂流沒野山皆去指點沿
途路不長整日扁舟隄畔繫恨人端的是垂楊

水災苦雨不止

江湖沈雨勢綿連渺渺驚看白到天不是茅簷雞
犬立浪花無復識腴田

典衣難罷救荒情圩水纔消雨復傾多少農工閒
擲却可憐猶轉桔槔聲

冬日赴四明李太守之招次韻荅內

三年多難後兩載杜門居逋負慚親友追呼畏吏
胥持家生計拙問世故交疎未遂耕鋤志前途試

曳裾

嘉禾訪沈幼勳以同舟迫行卽別去

少小相逢老大離惟餘貧賤向天涯廿年易度人
千里孤館難畱語一時故舊凋殘傷落葉關河戰
伐耐看棋行舟若肯停橈住那得情生別後詩

舟泊虎丘覓會青藜寓不得

聞君行鄆本幽棲吳市尋踪客路迷常怪雪舟何
必返今慚凡鳥不能題酒樓帘卷清歌散山寺林

空落照低當作江鳴春夜雨少陵知我亦含悽

吳山

西望滄浪一面開四圍青上最高臺峰環不放水
流去城過竟將山截來百里江湖無信息三年烽
火有蒿萊武陵終是笙歌地未許遊人灑淚回

曹娥江

流水千年帶哭聲男兒都媿說生平當時事往人
何在却使烟江有姓名

四明署中喜樊孟深至同潘肖巖限韻

關山吹不盡霜風幾點晴雲覆浙東
仲舉榻畱吳地客子猷舟自越王宮
鐘聲敲落千門月簾影飛來一陣鴻
剪燭西窗忘夜永高談傾入酒杯中

除夕次孟深韻時孟深肖巖將歸

羞將華髮問蒼天一任東皇促歲年
自恨不憐毛遂穎人歸難贈繞朝鞭
思親頭老江關雪作客心驚歌舞筵
遙囑故鄉今夜夢莫隨風到海雲邊

丁巳度仙霞嶺

南北天難限何分一嶺間地猶成坦道
險不恃巖關草木皆如敵藤蘿豈用攀
古今無足惜辜負此名山

灘舟卽事

閩河風俗異造舸只移時慮重攢杉片
防危刮竹絲棕衣剛裹腹布笠定齊睂
首尾招相應翻云柁不宐

水聲聽不斷春雨送行舟
河界山爲岸橋浮屋似樓
淺深移孔道呼石縫遲速任灘流
薄暮沿途住篙隨插處畱

終朝如習戰搖手默相關
入險行偏捷臨忙力反閒
石當流處立灘到足前
還伐木供薪火居民總不慳

清流船號最艑子數毛陶

每日三飲

戒客朝緘口容身

日折腰石高應候雨孔沒望消
潮浪不因風起時

時逐浪飄

福州贈高固齋

四千里外知交重二十年來魂夢深
直待攢眉方握手不須謀面早傾心
歌傳敕勒猶如昨詞是涼州莫更吟
幸有新亭當日淚爲君畱得到而今
自憐多難失耕鋤一劔飄零百感餘
黑白何從分勝負是非終不信詩書
魯連海亦難逃世范蠡湖當早卜居
獨恨蕭條馮子鉞歌聲猶道食無魚

同陶亮武賀价人會遠樓坐雨

高樓極目雨雲封屋溜聲除暑百重烟鎖江城低
萬戶山連海勢插千峯但聞鐙沸消人渴不待杯
傾染客容寂寂天涯能快聚此身忘却入兵烽

寧化同馬千英遊得園贈伊有之

夾道荷池曲逕通柴門深鎖百花叢爲尋高士來
幽處却怪名園出亂中秋葉啼殘千樹烏夕陽吹
盡一簾風水雲窩裏看棋局不與人間戰伐同

室內

題日水
雲窩

柬李元仲先生

回首雙江十二年身從患澥歷桑田只今淚落千
峯雨却使魂飛百里天書卷幸能存故舊兵烽曾
不到林泉無情翻是南州榻纔得懸時又罷懸

時馬

公改任
松溪

松溪柬游子六

饑驅瀚海惜離羣幾度思親札寄君報我書云曾

立雪教人淚落是停雲仲翔惟慮家無易平子方
知天有文只恨關山盡霜月夢中邊鴈不堪聞

荅卜近魯

結交不用許生死但得一人知吾耳結交不用矢
同心但得相知斯已矣君能知我我知君白犬丹
雞何足云一言便合平生志復何金石何青雲患
難餘生忽悲感邂逅傾心心慘慘嶺路高飛遊子
魂灘聲盡落行人膽人情險更勝山川不燒劫火

不桑田千古萬古常如此幸吾兩人知其然獨笑
兩人堂上同鄉薦直至老大天涯方識面一面分
飛又至今我輩交情交從離別深豈須冠蓋多黃
金相知惟貴相知心吁嗟乎相知惟貴相知心

戊午贈程銘也

鴛鴦湖上姓名聞邂逅天涯夢始分一片俠腸光
躍劒十年快事醉論文爲平灘險連朝雨不放峯
高半嶺雲詩句滿空誰下筆鳥啼花落幸逢君

用前韻荅銘也

流水隨風入幕聞却將鐺沸與溪分硯旁石汗占
蘇頲室裏琴聲卧少文畱客紅飛前路雨催詩黑
滿上頭雲反愁唱和書來疾臨別教人恨識君

銘也將歸以香囊易鵲鴿

鴿繫風鈴整日閒換來香點鷓鴣斑香名翱翔志在

雲霄外氣味投當離別間文石香名不須生硯水楊山

禪師鴿雪衣鴿名何用佩金顏大會國香名知君此

後頻書札一任飛奴數往還張九齡養鴿致書名飛奴

馬千英新構壑舟

潘令風流絕世無新添畫舫設兵厨政從詩酒場
中治官是琴書隊裏儒不使衆山離左右頓令此
水作江湖若逢摩詰當年筆一幅花溪載月圖

競渡

城傍溪山谷口吞浪花深處破天痕使君雅好西
園集名士歡同北海尊鼓勝六師分壁壘舟如一

箭射橋門錦標休道能飛奪爭罷相看總不論

秋日歸過西湖

波心穿十里看盡一湖中鳥度空山碧杯分落照
紅遊人今昔異畫舫管絃同堪笑蘇隄柳隨秋入
暮風

己未送小愚赴姑孰踐楊公梓撰疑之約

楊公本是舊文壇攜爾新編入署看富貴者如能
結襪賤貧人不礙彈冠大都身後傳心易畢竟生

逢知己難我亦著書忘歲月蕭蕭白髮淚闌干

喜馬巖冲冠南宮

五色雲開日下新青袍容易出風塵歷完蒲柳編
中歲纔入芙蓉鏡裏春文字竟能醫世薄功名那
只濟家貧故園拍掌遙相囑毋負南宮第一人

辛酉鳳陽道中恭賦

屈指數興亡停鞭過鳳陽江山何繫戀得失亦尋
常正氣開南國傷心死朔方從來無此代萬古一

淒涼

木蘭女廟

晉木蘭本魏氏處子代父從軍歷年一紀凱還天子嘉其功除尚書不受懇奏歸省及家釋戎服衣其舊裳同行者駭之以事聞召復赴闕欲納諸宮迫之不從遂自盡追贈將軍諡孝烈廟存商丘榮廓集

沙場一望卽沾巾腸斷從戎逐塞塵堪笑黃河無
禁卒遂令紅粉作邊臣生前反盡男兒事死後纔
完女子身豈是未央宮不貴只愁嫁與薄情人

白筠心唐木叔至自邢襄筠心還里木叔畱
商丘署次韻贈別

陣陣殘雲度影橫北來聽盡鴈歸聲梁園客倦登
樓興吳地風高作賦名千里馬嘶人去住三春花
放日陰晴隋隄不是當年柳空恨橋頭一水盈

送趙侯赤歸試

奚囊到處載詩書驛舍衙齋總不除屈指五旬經
往復計程千里半舟車衣沾月露過天曉簾卷秋

風入戶初直待木樨香發後枝頭雀報接雙魚

次吳長房韻

浪跡頻年尚未歸馳驅多爲故園饑曾知倦鳥投
林宿不信名花著雨肥白下秋高芳草遍黃河水
漲渡船稀他年若肯車前揖莫遣牢騷與布衣

畱別趙松五

君行河之北我居淮之南良書初至如面談我顏
君不知君容我不識相期會不移晷刻此豈再拜

八拜之知交黃金爲漆玉爲膠此豈千言萬言之
朋友水乳在膚蜜在口肝腸相照心相傾本是先

人舊結成

止安年伯與先君交最善

故我不辭兩度九十春夏

日報君相招一番三千道路情君勝羊興祖生魚
竝不懸庭廡君勝孔君魚不潤脂膏更埽除遊來
人人失顏色惟我知君道君德非是矯世之常情
非是示人以不測冰壺止此一片心下手書成願

力深

松五以一片冰心四字爲下手書

會知不受金繒神鬼怒又

知但用秋霜天地陰天地陰神鬼怒梁園童叟歌
來暮朝朝夜夜焚香烟戶戶家家沾雨露獨是剛
方不耐柔君長經術君才優人盡頌君我不頌欲
更爲君進一籌廉吏能吏不須說合成良吏真奇
絕我今一別杳無會面期不贈斯言何以別

畱別唐木叔

風雨論文愁亦歡春花開落夏花殘同遊忽却朝
昏易臨別方知聚會難離處更離孤夢遠客中送

客兩心寒征途從此攜君句一度思君一度看

長安夜集鄧田公寓喜遇江眉瞻

依棲客舍帝城邊驚喜相逢八月天一數別離年
二十同時鄉國路三千夜燒短燭爲花放聲入高
秋作雨懸座上惟余堪盡醉好從君輩覓嬋娟

出塞

關塞明明在年年出翠華天猶昏白晝地不減黃
沙降國多隋代和親屬漢家如何逢敵壘一樣動

邊笳

入塞

道路無邊塞南溟亦朔風蛟龍天地外雀鼠稻梁
中愛士馳軍令招人紀戰功凱歌容易奏何必計
三空

飲汪舟次寓

終朝策馬走長安會向侯門強合歡刁斗每驚鄉
夢斷攣綸不解客心寒獨逢故舊能移俗却似山

林盡入官把玩圖書多漢篆一開懷抱爲加餐
馬上遇札翰臣投宿招飲觀妓

楊柳千條拂去津一聲鴈叫出風塵據鞍揮袖看
才子下馬題詩贈美人攜得青雲都入夢不勞紅
葉變成春只憐辭却繁華後醉眼朦朧著此身

次夜抵欒城翰臣復邀妓用前韻

勒馬遙臨萬里津

時翰臣往湖南

蓬門收住夕陽塵忽然

銘釘非關酒除却賓朋別有人翡翠香消三弄曲

琵琶聲奏五陵春牽衣爲問今宵會多半魂依夢裏身

偕田功之任唐山

春水橋頭別故鄉蓮花先許看睢陽片雲飛下天邊札千里催成河上裝却喜故人親吏治正逢明主愛循良秋聲不向風前斷吹遍關山度鴈行豈爲彈冠過易水却因賣賦到唐山未慚文字先慚老不賀清貧只賀閒官舍相畱休怨別帝京辭

去又思還且將無限安民策試爾花封百里間

攜內姪陳譽斯出京復遣僕送之南歸

棄家三十載爾父歷艱辛關外頻生子

以御譽斯皆關外所

生江南望遠人恨余無二僕念汝是孤身相送半

陵去臨岐尚憶親

壬戌自堯封過關城觀春

堯封百里探春來投入風流錦繡堆馬上琵琶三十對階前歌舞一千回香從玉笋梢頭出花向金

蓮踏處開猶喜夢魂沈醉後不須燒燭夜啣杯

懷春

柳拂春城月到家一枝紅被短牆遮縱然盼得東
風起只送香來不送花

寄春

羞將顏色逐紅塵不用菱花照此身試把詩筒郵
寄去任他猜作少年人

惜春

東風吹雨到花前爲惜殘紅却自憐若使杜鵑啼
不去從今春是有情天

賣春

客裏身貧春不貧分明一樣度花晨若非賣却新
時節柳色何緣屬別人

畱別王蒿伊

關城好客惜勞勞不聽遊人賦大刀躍馬彎弓朝
射獵張燈落紙夜揮毫酒澆湖海千花墜簾卷風

雲一鴈高歸興忽然畱不住恐將憔悴負蓬蒿

南畝自嘲

本意誅茆置此身好將日月付垂綸那知歲歲年年客未許歸來作主人

春風秋月與誰看岸柳池荷尚未殘豈是客遊無
倦日只因鄉國對人難

遊潘木厓河墅

遙聽潺湲壘嶂間踏完沙徑到柴關門收池水臨

溪水亭築南山望北山一院樹常分鳥弄四時花
不似人閒餘情逸事相爭勝只待交遊共往還
隨地都堪結艸廬離城三里復何如墻環止放烟
雲入橋渡先將俗境除猶喜青山無世態肯容白
首卜幽居主人從此饒詩興日日分投屬和書

東來弟招飲石門山房

石門原不讓龍眠新構園如積歲年隔澗遙瞻雙
古柏登亭忽對一飛泉欲充穀核先栽果爲釀椒

漿更覓田輸却艱辛供客玩祇因羞貯是青錢
隄柳當門護鑿池玲瓏墻畔竹屏支數間向背看
難辯一徑流通到始知水繞庭除聲曲折石臨苔
砌色參差無端啼遍枝頭鳥恰在斜陽落照時
徘徊花塢亂芬芳卉譜無遺種復良葉點青蒼來
翡翠枝連紅白號鴛鴦儼同侍女爭承寵又似名
流各擅場費盡移山多少力一株得地幾經商
主人閒雅地幽深日日探奇詠古今何必丹青方

是畫不須鼓吹自餘音全收春色和秋色一任行
吟與坐吟反覺山川知己易經營難得此文心

南畝雜詩

自識狂生禮法疎拋辭城市學耕鋤不容荆棘生
當戶得展鬢眉便卜居犬吠雞鳴無詐僞漁歌樵
唱是詩書休嗟薄命過時易春雪秋霜尚有餘
五尺奚童日采薪依棲幸不厭沈淪自非穎士堪
捶僕頗似文饒市酒人貪睡過時常廢食忘機臨

晚忽驅塵偶然蕭索難求友卽便呼奴作主賓
沿溪策杖獨閒行鷗鷺相 似送迎老樹偏逢春
寂寞斷橋空恨路分明花因落後都成假山到晴
時盡不平堪笑水流聲激切朝朝向石訴衷情
世事升沈半有無勞人艸艸亦何辜鮒魚不作江
湖夢芻狗空爲文繡愚折臂藥方徒禁忌爛柯棋
局只須臾但傷書卷成名易自覺羞慚道是儒
都疑變態是蒼冥放眼徒勞白復青天地何曾羈

野馬波濤從未損浮萍殊方禽鳥無鄉語並蒂花
枝有異形觸目反愁頻指點不如高卧掩雙扃
棲烏幾樹亂昏黃猶見行人趁夕光雲妒月明全
不放風爭雨響忽然狂那知夜色餘燈火更有鄰
家餽酒漿一醉消歸蝴蝶外任他流水溢橫塘

信筆

繩牀夢醒一窗明三里村莊十里城不是深山山
在望人間無跡世無名

不廢登臨不遠遊常攜一騎一扁舟有時馬上看
花去棹月歸人下急流

卧聽溪流水到家杉橋竹塢半籬遮四時書卷三
時酒一畝房間十畝花

百尺樓頭接露臺斜陽影裏一徘徊面前壁立無
人到只許泉從頂上來



